

مسجد بلال ❖ السيرة النبوية 51 ❖ للشيخ سمير مصطفى

سمير مصطفى

نبي الله حبك في الحلايا كما المزي صبا صبا بابا تعانقه السرائر وهي عطشا نلتقط الان مع رسول الله صلى الله عليه وسلم لا تحفة الذي لا يدري او لم يقرأ هذا الجزء الذي قرأته انت - 00:00:00

وليس من عرف ايها الاخوة كمن كمن لم يعرف فينظر المرء في نفسه اتقدمت علاقته به صلى الله عليه وسلم او لا. وقلنا ان هو ده العلاج في حادثة سبه صلى الله عليه وسلم ان الانسان الذي سبه هذا حكمه مدون موجود ذكرته في الاسبوع الفائت. لكن - 00:00:30

الذي عليك خطة طويلة. الامة التي غيبت عن نبيها صلى الله عليه وسلم وعن دينها زمنا طويلا تحتاج الى خطة طويلة تبدأ من الساعة من الان. يبدأها الانسان في تنمية ايمانه وتوطيد علاقته بهذه - 00:01:00

شريعة وبالنبي صلى الله عليه واله وسلم. فكنا قد بلغنا الى ملابسه صلى الله عليه واله وسلم قال ابن القيم رحمه الله كانت له عمامة تسمى السحاب كساها عليا. يعني اعطاها لعلي رضي الله - 00:01:20

الله اعلم. واحنا قلنا ان الاسماء يعني من سنتي انه كان يسمى دي من سنة العرب كمان في الحقيقة. ان العرب كانوا يسمون الاشياء فاقر النبي صلى الله عليه وسلم هذا وكان يسمى الاسماء الاشياء باسمائها وصار ذلك من الشريعة. ليه؟ لان النبي - 00:01:40

قروا مش كده ولا لأ؟ اقر ذلك النبي عليه الصلاة والسلام. عشان كده لما نقول للاخوة ونجد اخوة كثر ممن زينهم الله عز وجل باللحي ووقفهم هذا تلاقيه مش لابس طاقية ليه؟ يقول لك لانه النبي عليه الصلاة لان دي سنة من العادات. دي كانت العرب بتغطي راسها غطى راسه ولا خالفهم - 00:02:00

عليه الصلاة والسلام غطى راسه بل رآها من الحشمة حتى كان يقول اني لاستحيي ان يدخل علي عمي العباس ويرى رأسي حاسرا. كان لما يلاقي عمه مين على الباب يقولوا له عمك يروح لابس من جوة بيته. يلبس طاقية عليه الصلاة والسلام. ولذلك ذكرها ابن القيم - 00:02:20

مما ينبغي ان تعرفه انت عنه انه كان يتعمم وكان يلبس القنصوة وكان مش احنا الكلام اللي ذكرناه. فلازم تكون اعظم بصر من فقط ان تأخذ عنوانا لقاعدة الاصولية عنوان فقط لا. فعمامة - 00:02:40

تم السحاب السحاب دي تديك ايه بقى في السحاب ده؟ يديك من بياضه الناصع مش كده؟ كساها عليا وكان يلبسها ويلبس تحتها القنصوة. اللي هي الطاقية يعني. وكان يلبس القنصوة بغير عمامة ويلبس العمامة - 00:03:00

غير قلنسوة. وكان اذا اعتمد لكن المؤمن انه بيستر ايه؟ يستر رأسه. عليه الصلاة والسلام. وكان اذا اعتم ارخى عمامته بين كتفيه ارخى عمامته يعني ايه؟ ارخى الزؤابة. يعني العمة بيبقى لها زبابة - 00:03:20

الزبابة دي يا اخوة معناها ايه؟ الضفيرة. اصل الزبابة معناها الضفيرة. عشان كده في الحديث ايه؟ اقبل اسامة بن زيد وله آآ وله آآ زؤابتان او زؤائب او تضطرب زؤائبه اللي هي ايه - 00:03:40

تجمع خصلة من الشعر كده وتعملها تبقى ايه؟ ضفيرة. ثم سحب هذا على ذيل العمامة. اللي بينزل كده. وعمامة النبي عليه الصلاة والسلام كان لها زين وعمامة اهل الكتاب مقروطة لا ذيل لها. عمامة اهل الذمة لما كانوا يتعممون - 00:04:00

ويستأذنون في العمامة في دولة الاسلام كانوا يأمرهم انهم يلبسوا عمة لكن كانوا يلبسوا الائمة ما فيهاش ايه؟ ذيل. وهذا من تقسيم ايضا يعني هم أنفسهم دينهم يقول كده او هم يرون ذلك من ائمتهم واحبارهم ورهبانهم ان هم يلبسوا العمة ما فيهاش ايه؟

ليس لها زيل. اما العمامة التي كان يلبسها - 00:04:20

عليه الصلاة والسلام ودرج عليها الناس من بعد لها ايه؟ لها ذبابة. بطل تاكل عن عمرو بن حريص رضي الله عنه قال رأيت رسول الله صلى الله عليه وسلم على المنبر وعليه عمامة سوداء - 00:04:40

قد ارحى طرفيها بين كتفيه. ومن الممكن ان الانسان يغير لون العمامة مش لازم تبقى العمة يعني ممكن تبقى العمة لون اخر. بس ما يكونش لون منهى عنه. كما سيأتي في اللوان المنهي عنها. وفي الصحيح مسلم - 00:05:00

عن جابر بن عبدالله رضي الله عنهما ان رسول الله صلى الله عليه وسلم دخل مكة وعليه عمامة سوداء. قال ابن القيم ولم يذكر في حديث جابر ذؤابة. فدل على ان الذؤابة لم يكن يرخيها دائما. بين كتفيه وقد - 00:05:20

قال انه دخل مكة وعليه اهبه القتال والمغفر على رأسه فلبس في كل موطن ما يناسبه يبقى هو كان يرخي الذؤابة عليه الصلاة والسلام. في حديث جابر بن عبدالله قال وكان عليه عمامة. ابن القيم يقول ما زكرش الذؤابة. في الحقيقة - 00:05:40
انا لما اقول عمامة تبقى العمامة بذؤابتها ولا لا؟ ولا ولا لا؟ العمامة بصفيرتها. فلذلك لا لكن الامام ابن القيم يقول لعله لم يرخي ذؤابتها في هذا الموضع لانه كان يشد بها المغفر. المغفر ده طاقية بس حديس - 00:06:00

عشان يلبسوها في الحرب زي الخوذة كده. يتقي بها الضربات. فاراد ان يشدها طاقية حديد بقى تزن مسلا آ اتنين تلاتة اربعة كيلو او اكثر فمع الحركة ممكن ايه فشدها بالعمامة فكان عايز يستخدم العمة كلها عليه الصلاة والسلام عشان يحكم - 00:06:20
احكم عليها الشد. خدت بالك؟ عشان يحكم عليها الشد. فلذلك لم يرخي لها ذؤابا. لكن اصل العمامة فيها ايه؟ لها ذؤابة والذؤابة تكون بين كتفيه وهتشوف بقى اه كلام رائع جدا لشيخ الاسلام ابن تيمية فيه اه فيه علم متفرد - 00:06:40

متفرد اللي قال ان هو متفرد ابن القيم رحمه الله. بيقول وكان شيخنا ابو العباس ابن تيمية قدس الله روحه في الجنة وده بقى الادب الطالب مع الشيخ اهو. مع ان ابن القيم خلف ابن تيمية في مسائل ولا ما خالفوش - 00:07:00

فلا بأس ان تخالف شيخك لكن تلتزم بالادب معهم. واظن ده كلام للشافعي او الشاطبي اظن الشافعي كان يقول ما فحواه؟ ان الله عز وجل كتب على العلماء الخطأ لان العالم بحشمتهم ان لم يخطئ عبده الناس من دون الله عز وجل. العالم باخلاقه بهيئته - 00:07:20

بطاعته العلم الحق ده بياخذ قلوب الناس. فلما تلاقيه بقى كمان ما بيغلطش كلامه في في كل باب مسدد ده هتصرف له جنب من العبادة لا شك. ولذلك لما مات ابو اسحاق الشيرازي شيخه الشافعية وكان ابو اسحاق الشيرازي ده رجلا عظيما جدا - 00:07:50
ابو اسحاق الشيرازي ده يا اخوة لما يعني تقرأ في سيرته وانا انجب الاخوة ان يقرأوا سيرته الليلة. ابو اسحاق الشيرازي رؤيا النبي صلى في النوم فسأل عن ابي اسحاق الشيرازي بقوله ما فعل الشيخ. او لقي الشيرازي - 00:08:10

قال له يا شيخ فترى ان الفقهاء درجوا على هذا. لما تفتح كتب الفقه وتقرأ فيها تلاقيه يقول لك قال الشيخ لو الفقهاء قال الشيخ يبقى مين؟ يبقى ابو اسحاق الشيرازي. اللي هو صاحب المذهب اللي شرحه النووي في كتاب المجموع. اللي هو اصل من - 00:08:30
اصول كتب الشافعية ان لم يكن هو اصل مطلق. واذا قيل قال المحدثون قال الشيخ يبقى ابو عمرو ابن الصلاح. رحمة الله على الجميع. فابو اسحاق الشيرازي لما مات على علمه وفقهه وانتشر علمه بيقول - 00:08:50

خرجت من بلدي كذا الى كذا قال على طريق طويل كده يعني سافروا بيقول فكلما نزلت في منزل في مصر من الامصار ارى من تلامذته. القاضي بتاع المصري ده من تلامذتي. ويستقبلني اهل الامصار باثمن شئ عندهم - 00:09:10
يسمعوا ان ابو اسحاق الشيرازي خارج البلد دي مشهورة بابه؟ مشهورة مسلا بالمسك الغالي قوي قوي قوي. يقوموا جايين منه فناطيس مسك. ويطلعوا يصبوها على على ابي اسحاق من جلالته وعلمه يقول الذهبي رحمه الله لو شاء ان يحج لحج على رقاب الملوك. ما كانش شالوا جمل كان الملوك - 00:09:30

شالوه على اكتافهم لحشمتهم الا انه كان لا يسأل احدا شيئا وكان فقيرا جدا زاهدا. فلذلك ما كان معه من المال ما يحمله الى الحج. نسأل الله عز وجل ان يحملنا واياكم الى الحج والعمرة. وان يتابع لنا واياكم بين الحج والعمرة. فلما مات - 00:09:50
ابو اسحاق الشيرازي كانت الطلبة يندبونه في الاسواق. يمشي في السوق يفضل يعيط ويبص للبياعين ويبكي. ويضرب وجهه

ويضرب رأسه. يقوم البياح يبكي على بكائي ان الرجل كان له يعني صيته وحشمته في الدنيا كلها. قال الذهبي وما كان ينبغي كل ذلك. لأ كده - 00:10:10

كثير قوي ولا ايه ؟ عشان كده الغلو باب من ابواب فساد التوحيد. انما لما نقول يحترم المرء شيخه آآ قلنا قبل كده القاعدة في السلسلة بتاعة المعارف الخمسة هناك في السيدة لما ذكرنا ان القيد في الشيخ مع - 00:10:30

طالب ايه ؟ اننا نعظم مشايخنا ولا ننتمي لمشايعنا ولا نقدسهم. ننتمي اليهم قال الشافعي الحر من راعى وداد لحظة وانتفى لمن علمه لفظة. لو علمك جملة واحدة انتفى اليه وكما كان يقول الشعبي والزهري وجماعة من اهل العلم من اقرأني خمسة احاديث فانا له عبد ما عاش - 00:10:50

لو حفزني خمس احاديث بس انا هفضل عنده خدام لحد ما يموت. وانا اخدeme. لكن مع ذلك لا يقدرهم يبقى هو كلامه الذي لا كلام بعده لا ده من الحمافة. لان هذا من البشر وكتب الله عز وجل على هذه الفئة بخصوص ان - 00:11:20

وقد ذكر ان محمد بن الحسن الشيباني على تعظيمه لابي حنيفة خالفه في نسخة موطأه في اكثر من عشرين موضعا يخالف فيه ابا حنيفة. مع ان ابو حنيفة انت لو آآ لو قرأت فقهه واطلعت على مذهبه وعلى عقل الرجل بالزات ابو حنيفة نفسه - 00:11:40

المذهب يعني سترى ان مثل هذا لا يخالف. من سعة عقله. لكن اذا اتضح الدليل لغيره اتبعه. فالشاهد يقول كان شيخنا ابو العباس ابن تيمية قدس الله روحه في الجنة. يذكر في سبب الزوابة شيئا بديعا - 00:12:00

ليه النبي كان بينزلها كده عليه الصلاة والسلام ؟ يقول وهو ان النبي صلى الله عليه وسلم انما اتخزها صبيحة الذي رآه في المدينة لما رأى رب العزة تبارك وتعالى في نومه. فقال يا محمد فيم يختصم - 00:12:20

الملا الأعلى. عارفين حديس الملا الأعلى ؟ قال النبي صلى الله عليه وسلم رأيت ربي في النوم في ابهى صورة. انت بقى تقول لي طب طب ابهى صورة دي يعني ايه ؟ النبي قال يعني ايه ؟ ولا ما قالش ؟ وصف يعني ؟ ما وصفش. خلاص يبقى في ابهى صورة يبقى ايه ؟ يبقى في ابهى صورة وتريح - 00:12:40

روحك وتسكت. فقال يا محمد فيم يختصم الملا الأعلى قال فقلت لا ادري فوضع يده سبحانه وبحمده بين كتفي. وخذ بالك بقى من بين كتاف كفاية دي عشان هي دي ايه ؟ موضع الذبابة. بعد كده انتم انتم معي ولا ولا ايه ؟ ولا رأيكم ايه في اللي انا بقوله ده ؟ انا حاسس - 00:13:00

الاخوة باصين لي كان انا انا اللي باجي لكم كل سبت موضع الزوابة احنا بنتكلم ليه الزناب ابن تيمية يقول حطها نزل الزبابة دي صبيحة ايه رؤية هو طلع النبي صلى الله عليه وسلم قال للصحابه قال لهم انا شفت ربنا امبارح في النوم. رأيت ربي في ابهى صورة. اللي هي العلماء بيسموها الرؤية المنامية اللي هي جائزة ان ترى. اما رؤيا الله عز وجل - 00:13:30

ذاته لا تدركه الابصار وتدرك الابصار. لا تكون الا في جنة عدن. حين يدخل المرء الجنة نسأل الله عز وجل ان يرزقنا واياكم لذة النظر الى وجهه الكريم. في غير ضراء مضرة ولا فتنة مضلة. فوضع يده بين كتفي - 00:14:00

قال القاري رحمه الله وانما تكون هذه الحالة تكون هذه الحالة دالة على تقديم واحسان من وضع يده في هذا الموضع من احد يعني لو اه لو انا خدتك كده وجينا نتكلم رحت حاطط ايدي على كتفك كده حاطط ايدي باينة كتفك كده يبقى ايه ؟ يبقى اكيد انا حاسن اليك - 00:14:20

اكيد ولله عز وجل المسلم الاعلى فده دل على ان هيكون فيه احسان عظيم عشان كده يا اخوة حديس الملا الأعلى ده محتاج ان انت تشرحه وتفهمه وتشوف ايه اللي فيه. فالشاهد قال قلت لا ادري فوضع يده بين كتفي فعلمت ما بين السماء والارض - 00:14:50

فعلمت ما بين السماء والارض ايه ؟ كل حاجة ؟ لأ علمت ما يختصم الملا بين السماء والارض مين هم الملا ؟ يا اخوة ؟ مين الملا ؟ الملايكة. الملايكة هم الملا. فعلمت ما يدور بين الملايكة فيما - 00:15:10

ما بين السماء والارض. الملايكة بيتكلموا مع بعض بيسألوا بعض. الله ! طب بيسألوا بعض في ايه ؟ اكيد حاجة مهمة لدرجة ان ربنا سبحانه وتعالى قال النبي عليه الصلاة والسلام قال له ايه فيما يختصم ؟ يعني في خصومة الملايكة مش بتتخايق ده وهم بيتكلموا

ايه؟ بيتكلموا كلام مناقشة آآ - 00:15:30

لها جذور قوية فصار كأنها صارت كأنها منازرة فمن سم سماه الله اختصاما. فيما يختصم الملاً الأعلى؟ قال له في الدرجات والكفارات فالأحق لك أن تنشغل عمرك بالدرجات والكفارات ولا لأ؟ مش لازم تعرف ايه اللي يرفعك عند ربنا - 00:15:50

درجات وايه اللي يكفر عنك سيئاتك تنشغل بده مش كده ولا لأ؟ لازم تدرس ولعل أن شاء الله لعلنا لما نتعرض الحديث ده لاهميته في موضع آخر. الشاهد قال شيخ الاسلام ابن تيمية وهو في الترمزي. يعني الحديث في سنن الترمزي. وسئل عنه - 00:16:10

البخاري رحمه الله فقال هو حديث صحيح. والحديث صحيح قال شيخ الاسلام ابن تيمية رحمه الله فمن تلك الحال أرخى الزوابة بين كتفيه قال ابن القيم رحمه الله وهذا من العلم الذي تنكره السنة الجاهل وقلوبهم. ولم أرى هذه الفائدة في - 00:16:30

اسباب الزوابة لغيرها. يبقى نزل الزوابة ليه؟ أكرم رسول الله الموضع الذي مسه الله من بدنه أكرمه النبي أن يبقى فيه حنة ايه؟ في حنة زيادة فيه لبس زيادة، فيه ستر زيادة. مع أن دي في المنام - 00:17:00

مش في مش في اليقظة ده في النوم. لكن يدلك على هذا أنه في الحديث. الحديث ده كله الهام من الله لنبيه الهمة فيما يختص بالملأ الأعلى والهمة بالدعاء وغيره. فقال يا محمد سل. فكان من سؤاله أنه قال له ايه بقي؟ قال له أسألني. طلباتك. قال له ايه -

00:17:20

أسألك حبك وده من أعجب ما تسمع من أخبار المحبين. أسألك حبك وحب من يحبك وحب كل عمل يقربني إلى حبك. اللي بيتكلم الكلام ده خليل الله. شوفوا يا أخوة مرتبة الخلعة أعلى من مرتبة - 00:17:40

وفي المحبة المطلقة. المحبة الخليل أعظم من الحبيب. عشان كده كان إنكار سيدنا علي لابي هريرة ليس له. إنما قال أبو هريرة حدسني خليلي فقال له علي متى كان رسول الله خليلك يا أبا هريرة؟ لأن دي موضوع ايه - 00:18:00

من المحبة المطلقة وقد استأثر الله عز وجل بخلعة نبيه محمد صلى الله عليه وسلم عن أصحابه حتى قال صلى الله عليه وسلم لو كنت متخذا خليلاً يعني يتخلل حبه في قلبي ومشاعري وكده - 00:18:20

لأتخذت أبا بكر خليلاً. من عظم حبي له. لكن أبو بكر حبيبي. إنما لا يبلغ أن يكون قال وإن صاحبكم يعني هو عليه الصلاة والسلام لخليل الله عز وجل. سيدنا إبراهيم كان مستأثر بالخلعة لوحده. فلما - 00:18:40

ينازع إبراهيم في خلته إلا المجد محمد. عليه الصلاة والسلام. ونازعه حتى غلبه. ولا أنتم مش معي في ده يعني لما دخل عليه الصلاة والسلام راح ايه عدى كمان سيدنا إبراهيم طلع فوق سيدنا إبراهيم. وعندك في ذلك طبعاً - 00:19:00

الأسار الكسرى عشان كده يا أخوة لما كنا بتكلم عن النبي عليه الصلاة والسلام قلنا أن الناس مش عارفة قدره. المسلمون والا ما كانوا يتكلموا كلام ضعيف. قال لي معلش والله هو فكرته - 00:19:20

كده الراجل دماغه كده فعيازين نعالج الفكر بالفكر هو ده بقى كل إنسان تطق في دماغه حاجة يطالع يتكلم عن النبي وأنت معتقد أنت بتكلم عن أي حد ده أنت بتكلم - 00:19:30

عن من لا يستطيع المرء أن يحيط بمآثره وصفا. تعال كده أتكلم كده في النبي صلى الله عليه وسلم حط نفسك مقصر وأنتم فاكرين لما لما شرحنا وصف النبي عليه الصلاة والسلام وقلنا العرب هم أبلغ الناس. وهند بن أبي هالة وصافا - 00:19:40

العرب بتقول الراجل ده وصاف يعني لما يبص لك ويوصفك يوصفك بدقة. تلاقي عنده في في كلامه عن النبي صلى الله عليه وسلم كلام مجمل كلام مجمل ما يقدرش ما يقدرش يوصف أكثر من كده. في أشياء لا تعبر عنها العبارة. لا تبلغها العبارة. ما أقدرش

أعبر عنها - 00:20:00

فكان ينبغي أن يقع آآ يعني أن يقع قدره عليه الصلاة والسلام في أه في قلبك. الشاهد أيها الأخوة أن الله عز وجل لما مس هذا الموضع من النبي عليه - 00:20:20

الصلاة والسلام أكرمه النبي صلى الله عليه وسلم بمزيد ستر. وجمال. والعمة أنت لما تلاقيها ملبوسة كده والزقابة مرخية كده وتلاقي الزقابة مكوية كده ونازلة آآ مش بتحس أنها بتلفت نظرك؟ شكلها حلو. مش كده ولا ولا ايه - 00:20:40

قال ابن القيم رحمه الله ولبس النبي صلى الله عليه وسلم والقميص وكان احب الثياب اليه. آآ معلش فاتني هذا الموضع بنقول ان النبي صلى الله عليه وسلم من شدة حبه له سبحانه وتعالى - 00:21:00

بيقول له اسألك حبك حبك وهو خليل الله. يبقى اذا فيه حد في الدنيا اعلى مرتبة في محبته في قربيه من الله اعلم من النبي ما فيش ومع ذلك بيقول له ايه؟ وحب من احبك. يعني عايز احبك مباشرة ولو في حد بيحبك خليني احبه - 00:21:20

عارف لما واحد يقول لك انا باحبك اوي وحب اللي من طرفك اللي من طرفك وحب اي شيء يقربني واحب اي شيء مرة بيقوله مجنون عارف مجنون ليلى قيس قيس ابن الملوح. قيس بيقولوا له آآ لاول مرة - 00:21:40

واقف كده وقعد يبص على نجمة في السما. وبيت ليلى اهو. اهو بيت ليلى اهو. وقعد يبص على نجمة في السما كده. فقيل يا مجنون هلا نظرت الى بيت ليلى لعلها تطل من الطاق. خليك قاصص راشق على - 00:22:00

البيت يمكن تطلع تبص بصة ولا حاجة. صح ولا لأ؟ ولا لأ؟ ما هو برضو الاخوة ولهم ماضي سيحم واكسر الحضور يعني بس لهم ماضي برضه او حد من اللي له ماضي ممكن يدينا آآ خبرة في الموضوع ده. مش كان بيقف في البلكونة طول النهار والليل -

00:22:20

فيقولوا له بص على بيت ليلى يمكن تبص فتشفي لك من غليل قلبك شيئاً. فقال لهم ايه؟ عارف يعني ايه؟ قال يكفيني ان انظر لنجم يقع ضوءه على نافذة بيت ليلى. بس كفاية ان انا ابص للنجمة اللي هي بتنزل - 00:22:40

نورها على بيت ليلى. انا بس كده هذا يشفيني. وكان يقول امر على الديار ديار ليلى اقبل الجدار وذا الجدار ماشي يبص في الحيط شف شف ذل العشق ماشي يقبل الحيط. وما حب الديار شغفن - 00:23:00

ولكن حب من سكن الديار. لكن هنا المقام العالي والقدر المعلى. دعك من حب مجنون ليلى ومعشوق عفرة سلمى فلطالما لطخت باشعارهم التروس وسودت بكلامهم النفوس وانظر الى حب والانبياء والاتقياء والعلماء فنوح تبرأ في جنب ربه من بنيه. وابراهيم -

00:23:20

تبرأ من ابيه. ده الحب بقى ولا ايه؟ وابراهيم تبرأ من ابيه ومحمد تبرأ من عمه الذي هو في منزلة ابيه. ليس حبا نعمة معسولة من يراعي الشاعر المنتحب ليس - 00:23:50

حبا غزل يمطرنا من كتاب الشاعر الحر الابي انما الحب دم تنزفه في سبيل الله غير القرب او سجدة على وجه الطين في غياب الليل فاسجد واقربي حتى اللي من طرفك اللي من طرفك خليني احبه. زاب زاب آآ معرفته برتبته عليه الصلاة والسلام - 00:24:10

في حب ربه عز وجل. كان يا اخوة وفي الحقيقة من عرف ربه احبه. اللي يعرف ربنا صحيح يحبه والمفتاح سهل جدا. عارف مفتاح تخش للمحبة مينين؟ اللي هي اللي هي قاعدة العبودية ان تنظر الى نعم الله عليك والى ذنبك - 00:24:40

تقعد تعد كده تعد النعم كان زمان يقول لنا شيخنا والدنا الشيخ يعقوب الله يحفظه كان يقول هات كشكول واكتب فيه كده نعم ربنا عليك. هنا هو. ويروح قالب الكشكول كده وافتح كده واكتب هنا - 00:25:00

ذنوبك. تعال امسك باب الشرك والنفاق. ومن اول فوق كده لحد كلمة قلتها نزرته آآ غمسة غمستها الكلام ده. وشف بقى نعمه عليك قد ايه سبحانه وتعالى وشف ايه سيئاتك قد ايه. ابوء لك بنعمتك - 00:25:20

علي وابوء بذنبي. فمن عرف نعمة الله عليه احبه. ومن عرف ذنبه انكسر. وخاف وبهزين تتألف المحبة اللي هي ايه؟ اللي هي العبودية. غاية الحب مع غاية الذل. مع غاية الذل - 00:25:40

نقاية الخوف والانكسار منه سبحانه وتعالى. قال ابن القيم رحمه الله ولبس النبي صلى الله عليه وسلم القميص وكان احب الثياب اليه. يبقى بنقول ان الاسلام ما قلش لون معين لكن قال لبس معين. يعني هتلاقي فيه الوان كثير لبسها النبي - 00:26:00

عليه الصلاة والسلام. رقى منها الوانا ولا لا؟ لبس الالوان كلها كثير من الالوان لبسها. لكن اعظم لون كالابيض يبقى ما تطلعش تتكلم تقول لي كده كلام مطلق ان اي الاسلام لم يحدد لحد لونه ولا لا مش مطلق كده. انما ممكن نقول لم يوجب اه - 00:26:20

يوجب وهذا ايضا فيه تفصيل في قضية اخرى هي قضية الولاء والبراء. اللي سيداتي بقى معنا في لبس المعصفر ولبس العمامة زي

ما عدى اهو كان لا يتعمم كعمة اهل الكتاب. اهل الذمة. ولم يتعمم يرخي يجعل لها ذوابا. حتى في اللبس. وحتى في اللون. فكان

يحب القميص - 00:26:40

القميص اللي هو ايه يا اخوة الجلابية. اسمه القميص وانما يسمى جلبابا في حق الايه؟ في حق النساء قل للمؤمنات يدين عليهن قل

لازواجك وبناتك ونساء المؤمنين يدين عليهن من - 00:27:00

جلابية في حق المرأة انما في حق الرجل تبقى القميص. وكان كمة الى الرسخ. الرسخ هو ده. لكن في الحقيقة هذا هذا الموضع بعض

اهل العلم تكلم فيه من حيث صحته. ولذا كان عبدالله بن عباس رضي الله عنهما - 00:27:20

البسوا القميص فيأخذ من اصابعه. تلاقي القميص طويل لحد ايه؟ بعض اصابعه كده. والقميص يا اخوة والعمة في اسبال زي ما هو

في البنطلون يعني انت بتعتقد ان الاسبال من تحت بس لحد الكعبين بس في في الجلابية والبنطلون - 00:27:40

واللي زاره كده. فيه اسبال من فوق؟ اه فيه بس يخضع للعرف. يعني عرف الناس ان الجلابية تبقى لحد فين؟ تبقى مناسبة. لو انك

لقيت انسان لابس جلابية لحد كده هيبقى ده اسبات. لو انك العمة العمة برضو يبقى الزاوية بتاعتها مناسبة شفاها في اهل العلم. لو

لقينا واحد مسلا عمته بتجر - 00:28:00

في الارض ولا الحد الى ركبته من خلف. مسلا يبقى ده ايه؟ اشبال. وهزا نص عليه اهل العلم نص عليه الامام النووي رحمه الله في

المجموع وغيره. ولبس في السفر - 00:28:20

جبة ضيقة الكمين ولبس الازار والرداء. قال الواقدي رحمه الله كان رداؤه وبرده طول ست ازرع في سلاسة وشبر. طبعاً الوصف ده لا

يلزما لتبين الاجسام. مش كده؟ لتباين الاجسام. لكن يكون الثوب فضفاضة - 00:28:40

وله هيئته. يقول ولبس حلة حمراء. يبقى عشان يلبس عباية لبسها عليه الصلاة والسلام ماشي عشان يلبس جلابية اللي هي زي بتوع

الجماعة بتوع اسوان وكده اللي بيقلولوا لك بتاعة النوم عندهم جلابية كده يلبس دي يلبسها يلبس آآ - 00:29:00

اي تفصيلة تانية لا بأس بها. طالما ان هي بضوابطها الشرعية لا فيها اسبال ولا فيها مبالغة. ولبس حلة حمراء والحلة ازار ورداء. ولا

تكون الحلة الا اسما للثوبين معا. يقول ابن القيم وغلط من - 00:29:20

ظن انها كانت حمراء بحتة. اللون الاحمر البحت منه عني. اللي هو المعصفر. المعصفر الذي صبغ بالايه؟ بالعصفر الاحمر. هذا منه

عنه. امال هو بقى عندك حديث اهو في صحيح البخاري ان النبي صلى الله عليه وسلم نهى عن المياسر الحمر. وفي سنن ابي داود

عن عبدالله بن عمرو ان النبي صلى الله عليه - 00:29:40

قلما رأى عليه ربيعة مدرجة بالعصفر. فقال ما هذه الربيعة التي عليك؟ فعرفت ابن عمرو فيقول فعرفت ما كان فاتيت اهلي وهم

يسجرون تنورا لهم فقدفتها فيه. ثم اتيته من الغد فقال يا عبد الله ما فعلت - 00:30:10

فاخبرته فقال هلا كسوتها بعض اهلك؟ فانه لا بأس بها للنساء. فنهى عن لبس الاحمر وفي صحيح مسلم عنه. شف يا اخوة تصرف

عبدالله بن عمرو من عز هذه الامة. بص النبي صلى الله عليه وسلم قال له ايه اللي انت لابسه ده؟ ما قالوش اقلع ولا البس. قال له ايه

- 00:30:30

ايه اللي انت لابسه ده؟ بس ومشى عليه الصلاة والسلام. قال فبصيت لقيته انه كره هذا. لسه جديدة. جلابية جديدة راح واخذها

ودخل البيت لقاهم مولعين الفرن بيعملوا عيش راح واخذها وحطها تحت في النار مع العيش. مع النار اللي بيولعوا عليها. تصور -

00:30:50

زي الرجل اللي كان في ايديه خاتم ذهب. فنهاه النبي صلى الله عليه وسلم عن هذا ونزعه منه وطرحه. وقال ايجب احذكم ان يصور

بسوار من نار يوم القيامة عمل ايه الرجل؟ قيل له خذ خاتمك فانتفع به. خده وروح بيعه والراجل بقى بتاع الذهب هيسحبه يعني

مش - 00:31:10

اعملوا خاتم تاني للرجال. يعملوا حاجة للنساء. قال له ايه؟ ما كنت لآخذه وقد طرحه رسول الله. الشفافية مع هذه الشريعة شفافية.

عشان كده يا اخواننا لازم تصحصحوا جدا في هذه الالوان لما يدور بكم. احنا قلنا في في - 00:31:30

كلام في الدرس الفائت آآ عن سب النبي عليه الصلاة والسلام ان احنا انفسنا بنقول ايه ؟ نحن نطالب بتجريم لأخذ بالك لاحسن تخالف الشرع. الشرع ما قلش تجري - [00:31:50](#)

هذا الرجل يقتل. آآ قتلوه وقتلوه ما قتلوهوش! خلاص يبقى احنا مش قادرين يقتلوا المستضعفين. خلاص يبقى حقه بعد الله. ربنا يموته يوم القيامة هو في الدنيا والاخرة. قل امين. وخلاص وانتهينا. لكن لا امر بغير هذه الشريعة. تاخذ بالك كويس في مسألة احنا - [00:32:00](#)

عندنا قانون يجرم سب الله ويجرم سب الانبياء ويجرم سب الخلفاء الاربعة وامهات المؤمنين. وبقية الصحابة يعني هو القانون ده موجود ده لو لو اتخط ما هو ده آآ ده دستور بقى حيبقى الى ما شاء الله مش كده؟ فلما يتخط دلوقتي بالشكل ده - [00:32:20](#) خلاص واحد يعمل لك فيلم ويطلع لك عبدالرحمن بن عوف مهرج. او يتكلم مسلا عن الزبير زي هذا الفاجر اللي تحدث من آآ سنتين ثلاثة اربعة كده عن كانت حملة منزمة على الصحابة. لو تفتكروا اما عمل اسوأ عشر شخصيات في الاسلام. وبعدين واحد تاني كتب حملة - [00:32:40](#)

غزوة اللي هي معركة الجمل. فخط فيها على الزبير وطلحة وقال كان الزبير رجلا متهورا غصوبا يقوده غضبه وكان طلحة رجلا طيبا. فقال له الزبير لنخرج فخرج معه. ايه الكلام ده؟ ايه الكلام ده - [00:33:00](#) فضلا عن تغيير حقائق التاريخ دي شتيمة في الصحابة. لو هو عمل المقال ده وانت طلعت رفعت عليه قضية في زل القانون ده حد ولا حد هيسمع لك. ليه؟ ما احنا عندنا قانون الاربعة بس. عشان كده لما احنا نقول النهاردة ان والله احنا خلاص مكتفين بالشوية دول - [00:33:20](#)

دلوقتي ويعني كويس. لا ما كويسش. ما كويسش. وغيرك ما بيطلبش ادنى من ما يطلب ولا لأ؟ ولزلك زي ما انت شايف قاعدين ينسحبوا ويستقلوا كل يوم والتاني اهو. عايزها آآ حدائية محضة. بمراده كما يريد - [00:33:40](#) فانت ما تبقاش تاخذ بعض ما انت عليه. لأ. طب ما فيش وغلبت على الامر نورته للاجيال. شوفوا يا اخوة كان القانون لا الربا صح ولا لأ؟ والى يوم الناس هذا. ما لوش دعوة بالربا والبنوك الربوية شغالة وربا وزى الفل. كويس كده؟ لكن هذه البنوك - [00:34:00](#) اضرت منين؟ من قول الصادقين على منابرهم. هو كان حد في ايديه سلطة؟ لكن كانوا يقولون للناس لله عز وجل في قلوب الناس قداسة فتحدثه عن الله ورسوله وعباده الصالحين وخطورة الامر البنوك فلست تقريبا بقت تتحال عليك بقى اعمل لك - [00:34:20](#) مش عارف ايه لحد ما النهاردة بدأت البنوك تجيب لما يجيب عربيات تجيبها على حسابه. مع ان البنك لا يمكن يتورط ابدا في امر زي كده. بعض البنوك بقى يشتريها هو - [00:34:40](#)

حطها عنده عشان ما يقاش وسيط ويدخل في قضية الربا. ويقول لك تعال اشتري من عندي. منك لي رأسا. ما فيش ابقى انا وسيط بينك وبين المعرض. بعضهم بقى يعمل كده بقى يعمل - [00:34:50](#) كده النهاردة من شدة الضغط عليه مع ان هو في الاول كان بيبعت طرزان. يدك الميت الف ياخدكم مية وعشرين الف وهو قاعد. فكان بتستطيع ان تصلح وانت موجود ما اصلحتش يا اخي. ويجيء النبي وليس معه احد. مش كده؟ ما اصلحتش. طب ايه فائدة ان النبي صلى الله عليه وسلم هنا بيمدح الانبياء اهو انا عايز - [00:35:00](#)

خد بالك من الحديث ده حديث ابن عباس في الصحيحين. قال عرضت علي الانبياء فكان النبي ياتي ومعه الرهط. والنبي معه الرهيب والنبي ومعه النفر والنبي ومعه الرجل والنبي وليس معه احد. طب النبي الذي ليس معه احد ده. عمل ايه يعني؟ ايه اللي استفدناه من فترة - [00:35:20](#)

نبوته عارف ايه اللي استفدناه؟ ان يظل المنهج على الارض شاخصا. يبقى حيقولوا ان فينا تعرفوا اهل الكتاب حرفوا دينهم وانحازوا عن دينهم. لكن كان المخلصون منهم الذين لم بقوا على التوحيد مع انهم كانوا مستضعفين في وسطهم وطردهم على الجبال - [00:35:40](#)

زي الراهب بتاع الغلام اصحاب الاخدود. كانوا في في الجبال في في الجبال في قلبها وكده. ومع ذلك كلموا الناس عن النبي عليه

الصلاة والسلام. زي ما حصل مع سلمان الفارسي والحديس ده احنا شرحناه هنا. اول ما ابتدأنا الدروس. لما كلموهم عن النبي صلى الله عليه وسلم بقت الناس - [00:36:00](#)

كانت العرب تتحدس ان في نبي جاي وده كان من تجهيز الارض للنبي القادم. مع ان هؤلاء ما خدوش اي حاجة. هؤلاء الاحبار الموحدون المخلصون ما خدوش حاجة. الزين حرفوا الكتاب من بني جدتهم طردوهم الى الجزر والى عوالي الجبال. ومع ذلك - [00:36:20](#)

ظل المنهج وظل الدين شاخصا كما هو. فحتى لو لم تخز شيئا رسميا تاخذ انك تورس الجيل اللي جاي. اننا بديننا في وقت من الاوقات وبعدين التاريخ يدون من غير ان يشفق على احد. التاريخ يدون هيكتب - [00:36:40](#)

الكلام ده وتلقاه الاجيال من بعد فانظر اتلعنا الاجيال القادمة او يحمدون؟ على اننا تمسكنا طيب وبعدين بيقول بقى وفي صحيح مسلم ان النبي صلى الله عليه وسلم رأى على علي - [00:37:00](#)

رضي الله عنه ثوبين معصفرين. فقال ان هذه من لباس الكفار فلا تلبسها الله! يبقى عندنا فقه هنا في المسألة دي يا اخوة. وهو عدم التشبه بالكفار وهذه مسألة من جواهر التوحيد. شفافية الولاء والبراء. وده كلام لا نزال - [00:37:20](#)

قوله لا سيما في هذه الاونة. الشفافية ربنا سبحانه وتعالى اعطاك شريعة تميزك. ولن يصح توحيدك الا مميزا. شوفوا يا اخوة. قال اه مطرف ابن عبدالله ابن الشخير. وفدت على النبي صلى الله عليه وسلم في وفد بني عامر - [00:37:50](#)

انا عايز بس اقول لك ان ان كيف كيف ان التوحيد ده زي ما ابن القيم ما بيقول وانا نفسي تحفز الكلمة دي لابن القيم رحمه الله بيقول التوحيد اصفى شيء. واظهر شيء. وانقى شيء ويشوبه اي شيء - [00:38:20](#)

اظهر حاجة واصفى حاجة واجمل حاجة وانقى حاجة التوحيد. واي حاجة توسخ التوحيد تعمل فيه وسخ تعمل فيه التراب. التوحيد الخاص بالاشخاص يعني مش توحيد في ذاته. تلاقي توحيدك على مستواك باص حصل فيه اشكال اي - [00:38:40](#)

حاجة ولو كانت قليلة. ولذلك ايها الاخوة تلاقي ان من التوحيد امبارح كنا بنتكلم في درس حلوان الكلام في غاية العجب يا اخوة تعرفوا قصة اصحاب السبت المذكورة في القرآن؟ ربنا سبحانه وتعالى صدرها لما حكاها لنا في سورة الاعراف صدرها - [00:39:00](#)

مصدرا عجيبا. قال ايه؟ قال واسألهم عن القرية التي كانت حاضرة البحر از يعدون في السبت. واسألهم اسأل مين اسأل يهود اللي موجودين معك. الله! طب اسألهم ليه؟ اذا كان انا بيوحى الي النهاردة. وبعدين دا ربنا - [00:39:20](#)

الموضوع اهو ده حكى لي القصة. طب اسألهم ليه؟ قال اهل العلم هذا سؤال تقرير وتقريع. ليه لان قصة اصحاب السبت ما كنتش موجودة في التوراة. اصحاب السبت دي خدوها من افواه الاحباط. يقعد يدوا له الدرس ويقول له احنا كان فيه طائفة مننا عشان - [00:39:40](#)

احزركم يا جماعة يا يهود مين اللي يحصل لكم اجدادكم؟ رأيانهم او مشايخنا رأوهم وكانوا عند البحر وحصل كزا وكزا وكزا سم اتخاهم الله قردة وخنازير. لان هو العقوبة الوحيدة. العقوبة الوحيدة التي نزلت على هؤلاء في جملة اليهود هي المسخ عن - [00:40:00](#)

القرية دي بس عشان كده ربنا سبحانه بيقول قل انبئكم بشر من ذلك مثوبة عند الله من لعنه الله. وغضب عليه وبعدين قال ايه؟ قال وجعل منهم ما قالش وجعلهم قردة. لا قال وجعلنا منهم القردة والخنازير. في طائفة - [00:40:20](#)

بس اليهود ما تعذبوش اي عذاب بالمسخ الا دول بس. القرية دي بس. طيب تعرفوا يا اخوة وما تعذبوا العجيب ده اللي تفردوا به بس ده تعرفه ليه؟ مع ان انا عايز اسألك سؤال هي حيلة حيلة اهل السبت كانت ايه؟ آ مشكلة اهل السبت كانت ايه - [00:40:40](#)

حرام؟ لا ده احتالوا على الحرام. ما تصطادوش يوم السبت راحوا عاملين الشباك والقنوت الفخاخ اللي يطلع فيها الحوت يعلق يتعسر في الطينة عملوها يوم الجمعة بالليل. وجم يوم الحد الصبح طبعنا الحيطان طلعت يوم السبت - [00:41:00](#)

تبصيص لهم بازيالها كده. جم يوم الحد الصبح خدوا الحيتان اللي هم كده اصطادوا يوم السبت. اصطادوا؟ لا اصطادوا الله مش كانت الشبكة موجودة يوم السبت بس دي حيلة. احتيال على الشريعة. اني الف وادور بالشريعة. تصوروا ان ده اعزم عند - [00:41:20](#)

الله ممن دخل في المحرم رأسا وده مش كلامي ده كلام الامام ابن القيم رحمه الله الرائع في كتاب اغاسة الالفان يقول فان اليهود اكلوا الحرام واستحلوا الدم الحرام والفروج المحرمة. كان عندهم زنا وقتل ومصيبة سودا - [00:41:40](#)

ولم يعذبهم الله بالمسخ. فلما تحايّلوا على شرعه ومسخوا شريعته قاهم الله عشان تاخذ بالك اوعى تلف وتدور على الادلة. اوعى تاخذ الدليل وتروح به كده ولا كده وتفضل تلعب في - [00:42:00](#)

الا وتقول ده المسألة عندنا فيها دليل واصل لا لا لا خد بالك. لو قعدت تلف وتدور يمسخ واشر مسخ ايها الاخوة مسخ القلوب. الشاهد ايه؟ ان ربنا سبحانه وتعالى قال له واسألهم. ليه؟ اقرعهم اصل القصة مش موجودة في التوراة والاحبار هم اللي قالوها لبعض - [00:42:20](#)

اليهود ما رضوش يقولوها للناس اللي كانوا عايشين جنبهم من العرب. قال لك احنا هنفضح روحنا اوعوا تجيبوا سيرة عن القصة دي خالص. عصينا ربنا فيها وبقينا قردة وخنازير وحالة صعبة - [00:42:40](#)

فما جابوش سيرتها للعرب ففضحهم الله. طب تفضحهم ليه؟ عشان تبين قدرهم. افنجل المسلمين كالمجرمين ما لكم كيف تحكمون؟ اوعى تقول ان ده راسه براس ده ليس ابدا من وحد الله عز وجل ونزه - [00:42:50](#)

واسبت له كماله كمن سبه بالولد. وكمن سبه بالفقر وكمن سبه بالعوز. مش كده ولا لأ عشان كده من اخنع ما ترى ان بعض الناس يعترض على القانون بتاع سب سب الانبياء. يقول لك اما سب الله فلا بأس انما سب الانبياء - [00:43:10](#)

احنا معترضين عليه. ليه؟ قال لك اصل اصل بعض في بعض مقالات اليهود هو قال النصارى لكن ده موجود عند اليهود وطبعا موجود طرف منه عند النصارى انهم يقولون ان نبي الله لوط شرب الخمر. ووقع على ابنته. طبعا انا باقول لك الكلام ده هو ده - [00:43:30](#) موجود انما هو لما حب يقولها ما قدرش يقولها على الهوا لان ده كلام ما يتقالش. لان اي حد اتقال له كده يقول له في حد يشتم نبيه؟ لو سبوحة احبسهم. هو ده بني ادم! اعمل - [00:43:50](#)

القانون يراعيه. ده جاءهم انبياءهم بالرحمة فسوبهم. تصور؟ لكن ما رضيش يقول كده. قالوا امال لهم يعني اتكلموا كده كلام على نبي الله لوط فالراجل ده لو اتكلم الكلام ده واعلنه على الناس هتحبسوه بموجب القانون. خد بالك من الكلام ده. الكلام ده بقى آآ قانونا يمشي - [00:44:00](#)

انما عندنا احنا ما فيش الكلام ده لا يعتبره اه عايز تقول الكلام ده تقوله في بيتك. تقوله في الدرا. انما تسب هؤلاء الانبياء لا يمكن فالاعتبار في هذه القضية مش ممكن لحد ما اعتبره الشيعة. قال لك وكذلك الخلفاء حتى الخلفاء يعني حتى منا من رضي بالاربعة فقط وهو غلطان - [00:44:20](#)

في ذلك المطلب لكن حتى على كده قالوا له لأ. قال لهم ليه؟ قالوا له اصل احنا عندنا شيعة في البلد. ان شاء الله يكونوا عشر تنفار هو بيقول كده. ان شاء الله يكونوا عشر تنفار. لكنهم لهم وجهة نظر في الخلفاء الاربعة. برضو ما رضيش يقول لانه لو قال - [00:44:40](#) هتبقى فضيحة مش كده انتم عارفين ايه وجهة نظر الشيعة في الخلفاء الاربعة بيكفروهم. مش وجهة نزر مش انا يعني بناقشه ده بيكفروهم ابو بكر منافق وعمر منافق وعثمان منافق وكل الصحابة منافقين الا ستة. وبعضهم لما راعى - [00:45:00](#)

خلاهم اربعة. وبعضهم خلاهم اتنين. اتنين بس؟ فقال لك ده لازم نعتبرهم. ده ايه بقى الكلام ده؟ يعتبر مين عشان كده هتلاقي انه يقول لك برضه تعتبر البهائية والقاضائية وهتلاقي واحد مكتوب له بعد كده في البطاقة الديانة بهائي. ما هيبقى مكتوب -

[00:45:20](#)

بهائي. القصد ايها الاخوة انك مقصود شرعا ان تذكر عوار هؤلاء. انت في الفاتحة بتقول ايه؟ اهدنا الصراط المستقيم وتسكت لن يتم الصراط المستقيم الا بتجنب عوار اهل الكتابين جزاك الله خيرا. ولا ولا يتجنب عوارهم الا بذكره. ابقى عارف ان هؤلاء تلاعبوا في دينهم وحرفوه ومسخواه - [00:45:40](#)

عشان كده بتقول صراط الذين انعمت عليهم غير المغضوب عليهم اليهود ولا الضالين اللي هم اللي هم النصارى. فلذلك كان النبي لا يقترب منهم في شيء. لان التوحيد يتلظ من اي حاجة. فكنت باقول لك لما زكرت ذلك في درس المسائل للاخوة قلت لهم تعالوا

اوريكم كده بابين في كتاب التوحيد لشيخ الاسلام محمد ابن عبدالوهاب - 00:46:10

ما بين وما كان اسقب نزر الرجل. وراجعوا الكلام ده النهاردة في كتاب التوحيد. عارف البابين عنوانهم ايه؟ عنوانهم واحد. بابين

عنوانهم واحد العنوان في الموضع الاول باب ما جاء في حماية النبي في حماية المصطفى - 00:46:30

صلى الله عليه وسلم جناب التوحيد. والباب الثاني باب ما جاء في حماية النبي صلى الله عليه وسلم جناب التوحيد. طب قال الاتنين

دول ليه؟ لانه حماية التوحيد يكون من الاقوال ومن الافعال. فضلا عن العقائد طبعا. ذكر فيها حديث مطر في - 00:46:50

عبدالله ابن الشخير ده اللي انا بقول لك عليه عشان تشوف بس الحيلة. الناس دول اول مرة يسلموا جايين وفد بين يدي النبي صلى

الله عليه وسلم قالوا اشهد ان لا اله الا الله وان محمدا رسول الله - 00:47:10

حلو كده؟ خد بالك بقى. فلما رأوا طلعة رسول الله انبهروا. والنبي عليه الصلاة والسلام ايها الاخوة ليه كده طلته عليه الصلاة

والسلام؟ ساعة ما تشوفه ينشرح صدرك. حتى الجماعة بتوع تعبير الرؤى بيقول لك اذا - 00:47:20

رؤي النبي في المنام فكان ذلك سبب سعادة للبيت. يبقى البيت ده هيحصل فيه بركة وسعادة وجميل اوي في المنام. فما بالك باللي

شوفوا كده وشي في وشه كده واسلم عليه بيقول آ بعض التابعين يقول جلسنا سلمة بن الاكوع. فقال - 00:47:40

بايعت النبي صلى الله عليه وسلم بيدي. انتم عارفين يوم الحديبية لما قال له بايع يا سلمة؟ قال بايعته النبي صلى الله عليه وسلم

بيدي. فقيل له ارنا يدك يا سلمة. قالوا فاخرج يده. راح مطلع ايديه كده فرأيناها غليظة كخف - 00:48:00

اعيش بسبب الاكوع كان جامد قوي رضي الله عنه. لدرجة انتم عارفين انه كان عداء بيجري بيشع الجمال وهو بيجري. فلو ايديه

كده حاجة آ جامدة اوي زي خف الجمل. فوجدناها غليظة كخف بعير. فما بقي احد في المجلس الا قام وقبل - 00:48:20

ياد يا سلام. وقالوا نقبل يدا مست يد رسول الله صلى الله عليه وسلم. فاول ما شافوا النبي عليه الصلاة والسلام انبهروا ايه ده؟ فقالوا

له انت سيدنا. وابن سيدنا. وانت كبيرنا - 00:48:40

ابن كبيرنا واهوا الى يديه ورجليه يقبلانها. خد بالك بقى الموقف ده ايه رأيك فيه؟ لسه مسلمين دلوقتي. حصل خلل عقدي كده

يعني بيبقى في اخ لسه ملتزم جديد وجاي من برة وما يعرفش. فيقول لك اديني دي والنبي. فانا مسلا قاعد اقول له يا اخي قل لا اله

الا الله. ما انا - 00:49:00

كان حالفا فيحلف بالله او ليصمت. من حلف بغير الله فقد كفر. وهو لسة ملتزم جديد هيقول لك بس كفرتونا ارجع للبانجو ثاني يا عم

الحاج اي حد فينا لما تسمعني وانا بقول له مسلا كده تقول لي ايه بالراحة. يعني ما تاخدوش مش ايه؟ مش مش اول كده يعني. خده

وادي معه مش كده - 00:49:20

مش انا بقول كده وده من فقه الدعوة في مواضع الا التوحيد. اوعى شف بقى لسة مسلمين دلوقتي اهو. قالوا له انت سيدنا وابن

سيدنا فقال لهم ايه؟ قال لهم السيد الله. قولوا بقولكم انا ما بنكرش عليكم انا سيدكم فعلا - 00:49:40

هو سيدنا وسيد ابونا ولا لأ؟ عليه الصلاة والسلام؟ قال له انا سيدكم فعلا، بس اوعى تزودها. لاحسن لو زودتها اعطني مقام العبد

هتطلع به على مقام الرب وتشرك. اوعى تيجي ناحية المكان ده. فقال قولوا بقولكم ولا ولا ايه - 00:50:00

ولا يستجرينكم الشيطان. الاخوة اللي بيدرسوا العقيدة وقاعدين طول الليل والنهار يكفروا في بعض. مش حافزين الحديث ولا ايه

قال ايه؟ قولوا بقولكم السيد الله. قولوا بقولكم ولا يستجرينكم الشيطان - 00:50:20

ولا ترفعوني فوق قدري فانما احب ان يقال محمد عبدالله ورسوله. ايه بقى مناسبة الموضوع ده يا اخوة شف انت بقى لما تقرا

الشرح العجيب الشيخ ابن عثيمين رحمه الله تعليقك كده بيقول ايه؟ بيقول وانما قال السيد ولم يجبهم بسيده - 00:50:40

لما تقول انت سيدنا يقول لك ايه؟ الاجابة العربية الموائمة ان انا اقول لك ايه؟ اقول لك سيدك الله. او اقول سيدنا الله مش كده؟ لكن

قال لهم لأ السيد الله. ليه قال الف واللام يا اخوة؟ هي نفس الاجابة اللي بتيجي في سورة الاخلاص - 00:51:00

قالوا له صف لنا ربك كفار قريش قالوا للنبي صلى الله عليه وسلم صف لنا ربك. فنزل قول الله عز وجل قل هو الله احد ما قالش

الاحد. قال ايه؟ احد. وبعدين؟ الله الصمد. الف لام. لان احد - 00:51:20

تأصيل للوحدة. كان الله ولم يكن شيء. في الحديث لما الاعرابي قال له اخبرني باول الامر. قال له الله ولم يكن معه شيء. ما كانش حاجة خالص. فهو اول كل فهو اول كل اول سبحانه وبحمده. [00:51:40](#) حلو كده -

فتفرد بها. لما جه عند الصمد لقي فيه من الخلق ما يكون صمدا. لكن الخلق ما بقاش فيهم اول قبل كل مش كده؟ لو انت قلت لي آآ قلت لي انا لوحدي كده عصامي. اقول لك جاي منين؟ هتذكر اباك. مش كده؟ انا كنت في صلب ابويا - [00:52:00](#)

وابوك هيزكر اباه. يعني ما فيش حد عنده الاولوية دي المطلقة الا الله عز وجل. فلذلك قال له ايه؟ احد من غير الف ولام. انما عند الصمد قال بالالف ليه؟ لتعلم انه لا يكون صمدا من كل وجه الا الله. ايه هو من هو الصمد؟ السيد العظيم - [00:52:20](#)

الذي يقصد في كل شيء. عشان كده آآ عشان كده تجمع مع السيد لانهم بمعنى واحد وقال بعض السلف اني لاسأل الله على فحمانى. اسأل ربنا في كل حاجة في كل حاجة. وده من تمام التوحيد. تمسك المفتاح كده - [00:52:40](#)

تدور العربية تقول بسم الله رأيتها شرقت ونطت يا رب صلح لي العربية. ده انا ما بضحكش ده ده ينبغي ان يكون بيقول لك واسأل الله في علف حماري. ويسألون - [00:53:00](#)

ان الله في شرك نعل احدهم. يقول له يا رب يسر لنا اشتري حزاء يا رب عايز الكيس يا رب. مش سيدك ولا مش سيدك؟ ما لكش غيره اما المخلوقين فممكن يكون منهم صمد بس من وجه دون وجه. يعني انا لما اجي لك اقول لك والله الله يكرمك شف لنا كده تأشيرة للحج عشان نفسنا نحج السنة دي - [00:53:10](#)

ماشي؟ يبقى انت ايه ممكن تخدم في دي صح؟ انما ما تعرفش تخدم في حاجة ثاني عشان كده كانت العرب تسمي السيد الذي يستقبل الوفود وينفق عليهم ويطعمهم ويسقيهم والكلام ده تسميه الصمد. الا بكر الناعي - [00:53:30](#)

شيخي بني اسد بعمر بن كلثوم بعمر بن مسعود وبالسيد الصامد. السيد الصمد ده اللي هو ايه؟ رجل كبير عندهم. اللي هو بيستقبل الخلق يعني وكده. فالنبي صلى الله عليه وسلم انما حلاها بالالف واللام لتعلم انني سيدك. بس اوعى تطلع بي المقام الوهية ولا تقرب فان - [00:53:50](#)

الله هو السيد المطلق. السيد المطلق سبحانه وبحمده. الكلام ده العرب فاهمينه ولا فاهمينه ده ناس عرب سدنت اللغة. شف بقى بيدعي له النبي في ايه ولسه مسلم دلوقتي. وبعدين قال له ايه كمان بقى؟ قال له قولوا بقولكم - [00:54:10](#)

ولا يستجرئكم الشيطان. قال ابن الاسير رحمه الله استجراه الشيطان اي اخذه رسولا ووكيلا يعني بيقول له قول اتكلم عدل. لما تتكلم واوعى الشيطان يخليك رسول له. فتكفر الكلام ده من اول وهلة - [00:54:30](#)

لسه مسلم ليه؟ عشان يعلمه جناب التوحيد. كزلك الراجل في الصحيحين اللي اتى النبي عليه الصلاة والسلام وهو على المنبر وقال له يا رسول الله جفت الدروع قحطت الارض وزهبت الزروع وجاع العيال فادعوا الله لنا. الراجل ده يا اخوة جاي بمصيبة وقف على - [00:54:50](#)

المسجد يصرخ يا رسول الله بنموت ما فيش مائة. حق المصيبة دي ان انا اعمل ايه؟ اخذه على البارد بقى. اقول له كده ده فيما نفهمه نحن اقوم قايل له كده آآ ادعي له وبتاع وفعلنا النبي عمل كده بسط ايده على طول ودعى عليه الصلاة والسلام فما نزل عن المنبر حتى اختضلت لحيته بماء المطر - [00:55:10](#)

نسبة المطر على طول سيدنا انس بيقول فما كنا نرى في السماء من قزعة. السما كانت بيضا ما فيهاش سحب خالص. فجاءت سحب كالطرس فارعدت فامطرت فما زهنا الى بيوتنا الا ونحن نستزل. ماشيين تحت تحت حاجة - [00:55:30](#)

اه ماخدينها من كتر المطرة اللي نازلة فدام المطر اسبوعا لحد ما جا له الاسبوع الثاني وقال له يا رسول الله كفاية كده. فقال حوالينا ولا علينا لكن الشاهد يا اخوة خد بالك اهو النبي عمل له اهو المصلحة وكل حاجة. لكن خد بالك بقى الراجل قال له ايه بقى؟ قال فادعوا الله لنا واستسق - [00:55:50](#)

الله لنا فاننا نستشفع بك على الله ونستشفع بالله عليك. اول مآله الكلمات دي والراجل عنده مصيبة. العيال ماتت وجعانين. شف بقى مصيبة اهو. اول ما قال له الكلمة دي قال له ايه عليه الصلاة والسلام - [00:56:10](#)

قال سبحانه الله سبحانه الله سبحانه الله سبحانه الله فلم يزل يقل سبحانه الله حتى عرف في وجوه اصحابه. الصحابة تغيروا عرفوا ان النبي غضب اوي. وبين قوسين تصور ان ان - [00:56:30](#)

ان الدين يعرف من اسارير الصحابة من تقاسيم وشهم فما بالك لو تكلموا؟ عرفت ان المنهج ما يصحش ابدا الا بفهم حتى عرف ذلك في وجه اصحابه. وهو اخذ يسبح سبح كثير قوي عليه الصلاة والسلام. ثم قال له ويلك. ويحك - [00:56:50](#)

اتدري ما تقول؟ انت فاهم بتقول ايه؟ ان الله اعظم من هذا. انه لا تشفع باحد من خلق الله انه لا يستشفع بالله على احد من خلق الله سبحانه وتعالى - [00:57:10](#)

شفتهم مقام التوحيد وجنابه؟ لما نيجي نتكلم عن كلمة اوعى تقول لي بس يعني بس ما تدققش لا ده انا دقة ده ده توحيد اي شيء. عشان كده يا اخوة كان الاقتراب من المشركين. ولو في الكلمة الرثانة. تفضل تقعد مع واحد يفضل - [00:57:30](#)

في انجليزي من غير سبب ما انا عربي اهو بكلمك ده انا مصري معك. يفضل يكلمك في انجليزي من غير سبب. هذا كرهه اهل العلم. قال عمر الله عنه لا ترطنوا برطانة العجم. ولا تدخلوا عليهم في بيعهم وكنائسهم في يوم اعيادهم فان - [00:57:50](#)

تنزل عليه. لا ترطم برطانتني بدون حاجة. الا ما جرى على اللسان. لان انا عارف ان اخواننا الاطباء هيقول لك طب انا ده انا قعدوا اربع خمس ست سنين بدرس في انجليزي. فما بقتش عارف اعبروا في الحقيقة جربت الكلام ده مع بعض الاخوة اول ما - [00:58:10](#)

ما رزقت بالكمبيوتر فكان الاخ ييجي. يقول لك حط حط السي دي في السي درو في اللي مش عارف. قلت له لأ ما انا ما اطقش اسمع كده كلمني عربي - [00:58:30](#)

طب اكلمك عربي ازاى هي دي اسمائها اللي احنا متعارف عليها. فانا هقول لك على حاجة يعني آ برضه بين قوسين كده. ما كنتش بس ما كنتش واخذ يعني انا برضو مش معاشر ناس بيرتوني انجليزي كثير في الحقيقة في في عائلتي ولا في الوسط بتاعي. فلما جيت اول ما جبت الكمبيوتر فلقيت واحد بيقول له - [00:58:40](#)

احنا عاوزين بس كنا عاوزين نسطب الويندوز. فانا قلت نسطب تلاقيه عايز يقول مشطب بس الدغ والله العزيم يا اخوة والله يشهد الله. فقلت ده تلاقيه قال ده. فبيقول نسطب عايز يقول نشطب. المهم لقيت واحد راح داخل - [00:59:00](#)

قلب ضئيل سطبته الويندوز؟ قلت له وانا قاعد مع جماعة كلهم لدغ ولا ايه؟ اتاري ايه اصل الكلمة ايه؟ ست اب مش كده؟ فهم بيختصروها وبيقولوا فالمهم قلت للاخ فلقيته فعلا تعبان مش قادر. تعال يا عم انت كلمني عربي. ده باكلمك عربي ازاى قلت له - [00:59:20](#)

قول له كلمني عربي ايه السي دي؟ قال لي دي الاسطوانة التي تحمل المعلومات. قلت له قل لي كده. طب والسيد روم ده ايه؟ قال لي دي الاوضة - [00:59:40](#)

الغرفة اللي بتشيل الاسطوانة اللي بتحمل المعلومات. قلت له برضو قل لي كده. فبقى مسلا قاعدين. والله بس هات الاسطوانة اللي تحمل المعلومات وحطها في الغرفة التي تحمل قال لي حرام - [00:59:50](#)

عليك ما تعزبنيش. فالكلام ده ممكن يمشى يعني انا مش بقول الكلام ده انه ايه فعلا فيه حاجات يعني مش آ بتبقى عفو ما تقدرش ان انت تمسكها لكن ما استطعت ما استطعت الى ذلك سبيلا لا ترطن برطانتهم آ في في حالة ما تكون مش - [01:00:00](#)

على الرغم على الرغم من ذلك انا عايز اقول لك حاجة بقى انك تكون من امهر الناس في لغات الناس دي. مش بنقول لك ما تدرسهاش. انتم عارفين الاستاذ محمود شاكر - [01:00:20](#)

لما انا اقول لك محمود شاكر لمن يعرفه اول ما تفتكر محمود شاكر تفتكر ايه؟ اللغة العربية على طول رجل آ من اساطين اللغة العربية محمود شاكر يقول لو شئت ان اكتب مقالات الادب باللغة الانجليزية احكي اهلها لفعلت. اكتب لك - [01:00:30](#)

اللي انا بكتبها دي بالانجليزي ونفس البلاغة بتاعة العربي كده اللي انا بكتب بها دي. خدت بالك بلاغة الانجليزي. الانجليز نفسهم لو سمعوني وانا بتكلم انجليزي يقول لك ده مين ده ده - [01:00:50](#)

اه ده راجل يعني جامد اوي. لكن بتتعد قضايا الولاء دي يا اخوة في اللباس في وشف لبس لون احمر حتى في الحديس نزر النبي

وسلم فلقى الاكسية بتاعة البعير اللي هو البردعة اعزكم الله حمرا. فنظر اليهم عليه الصلاة والسلام وقال ما لي ارى حمرة اكسيتمكم -

[01:01:00](#)

الصحابة قالوا فبادرنا اليها حتى نفرنا البعير. من كتر ما احنا جرينا عشان نشيلها لدرجة ان الجمال كانت هتقوم تجري من هجومنا عليهم عشان نشيل الكلام ده. لذك انا عاوز آآ معلش يعني ادوني كمان خمس دقائق انا عارف اتأخرت عليكم النهاردة. بس عاوز اذكر

[01:01:20](#) لك بعض -

مظاهر البراءة من المشركين. عشان تاخذ بالك من المسألة دي لا سيما في هذه المرحلة. الاسلام كما يذكر البر بهم يذكر ان تكون نائيا عنهم لا في هدم ولا في كلمة ولا في لبس ولا في منزل قالوا يا رسول الله ان اليهود لا ينزفون افنيتمهم قال فنزفوا افنيتمكم -

[01:01:40](#)

الله! الفناء بتاعنا ده والحديس كان بعضهم غمز فيه. الفناء ده عبارة عن تراب يعني الحطة اللي قدام البيت. قال اكس قدام البيت. ليه؟ ليه طيب؟ ما هو ده قال عشان تخالف اليهود. انهم ان اهل الكتاب اليهود والنصارى لا يصلون في النعال. قال صلوا في النعال.

[01:02:00](#) ودخل لابس الجزمة -

مسجد عليه الصلاة والسلام وصلى فيها وما نزعها الا لما اخبره جبريل ان فيها قذرا. فنزعها. انما دون ذلك صلى في النعال. طبعا الكلام ده في المساجد ما تبقاش يعني انما فسجد الحصى بتاعة زمان وكده. كان صلى الله عليه وسلم يسدل شعره. كان شعره طويل ينزله

[01:02:20](#) كله كده. فلما -

ما كان اهل الكتاب يسدلون فرق شعرة. بقى ينزل جزء هنا وجزء هنا على كتفه. حتى في الشعر؟ ايوة حتى في الشعر حتى قال اهل الكتاب ما يريد هذا الرجل ان يترك منا شيئا الا خالفه. مش سايب حاجة خالص - [01:02:40](#)

حتى ان الله ذكر لوعة نبيه في تغيير القبلة. قد نرى تقلب وجهك في السماء فلنولينك قبلة ترضاها حتى القبلة كان عايز يقول له لأ ما ابقاش انا واليهود والنصارى ناحية بيت المقدس يا رب. خليني انا ناحية ناحية الكعبة. ما تخلينيش معهم. انا - [01:03:00](#)

حاجة وهم حاجة. مع انا زي ما باقول لك اهو لم يذق هؤلاء عدلا ولا حرية مسل ما زقوه في دولة الاسلام ما شافوش كده ابدأ ابدأ.

[01:03:20](#) انتم عارفين يا اخوة يوم احداث اه حداث اه ديسمبر. والبرجينج -

الكلام ده المسلمين اتضربوا في الشارع. المسلمين الامريكان اللي معهم الجنسية الامريكية. والوافدين عليهم اتضربوا في الشارع. الله طب ده انت من اول وهلة قلت دي ضربة جاية من برة مش من عندنا. ده مش من عندنا مع انهم حققوا بعد ذلك ان الضربة دي كانت

[01:03:40](#) بالمخابرات الامريكية انفسها عشان يعمل -

لجعل على هذه البلاد لكن الشاهد يعني انت نفسك عارف انه من برة ما لهم بقى المواطنين اللي عايشين معك؟ الحيف والجو نزلوا ضربوهم في الشارع وبعضهم كاد ان يقتل ان لم يكن قتل. انت قاعد اهو اعزم من فينا وامامنا وهو اغلى عندنا من شغاف قلوبنا -

[01:04:00](#)

ونسمة عيالنا وفلذات اكبادنا وعظيم اموالنا وسب من الخارج. سبة من ناس مصريين. اللي هم بتوع المهجر مصريين اصلا. لكن قاعد برة حد جه ناحية حد هنا ولا جه ناحيته. بل بالعكس. يعني ده حتى في بعض المغالطات حصلت - [01:04:20](#)

من كتر ما انت عايز تقول له ان احنا ما فيش عندك شيء ولا شيء. ده ما ما يؤمر به الانسان شرعا. ده دين. طبعا في مجمله. انما

[01:04:40](#) التفاصيل لها امور اخرى. لكنها ظهور في مجملها -

ما يؤمر به الانسان. اهي دي حادثة واحنا آآ احنا احنا عملنا شريعة لسة ولا حاجة؟ ما عملناش حاجة. فما بالك بقى لو بقى فيه

[01:04:50](#) شريعة؟ هنعمل ايه؟ لكن الا -

ان تذوب العقائد بعضها في بعضها في بعض. ما لا يمكن عقائد لا. انما دون ذلك انا اعطيك حقه. فانا عايز اتلو وعليك معلشي في آآ

[01:05:00](#) في هذه العجالة والسيرة بعد كده انت هتشوف منها بقى مظاهر ما اتلوه عليك. من مظاهر موالة -

من مظاهر موالاتهم المنهية عنها يعني. التشبه بهم في الملبس والكلام وغيرها. لان التشبه بهم في الملبس والكلام وغيرها يدل على

محبة المتشبهه للمتشبهه به. قال النبي صلى الله عليه وسلم من تشبه بقوم فهو منهم. فيحرم التشبه - 01:05:20
بالكفار فيما هو من خصائصهم. ومن عاداتهم وعباداتهم وسمتهم واخلاقهم. فان ذلك لا يجوز. لما نيجي عند الهدوم النبي لما نهى عن
اللبس الاحمر نهى عنه ليه؟ لان دي مش كل لبس لبسه - 01:05:40
والكافر انت ما تلبسوش. والا ما الاخوة قاعدين لابسين فالنات اهوت وبناطيل درت. صح ولا لا؟ ما فيش حد لابس درسي في القعدة
قاعدين لابس اهو مش كده؟ طبعا البنطلون بيبقى فضفاض. لكن الشاهد يعني مش كل لبس - 01:06:00